



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Rejicitur prima sententia

[urn:nbn:de:hbz:466:1-77355](#)

DE ESSENTIA BEATITUDINIS FORMALIS. 37

nalia spectant. Unde cum beatitudo intelligatur non solum cum ordine ad essentialia, sed etiam ad notionalia quae Deus per illam videt, non praetelligitur illis; vel si praetelligitur, non concipitur adaequate, sed inadaequate, nempe ut terminata ad objectum veluti partiale & inadaequatum.



D I S P U T A T I O III.

De essentia beatitudinis formalis.

Ad questionem 3. D. Thoma.

PRÆMISSIS his quæ ad beatitudinem objectivam pertinent, accedimus ad examinanda illa quæ spectant ad beatitudinem formalem. Sed quia plura ad illam spectantia in tractatu de visione beatifica declarata sunt, in praesenti solum adducemus quæ ibi desiderantur, ad materiam beatitudinis pertinentia.

ARTICVLVS PRIMVS.

Vtrum beatitudo formalis sit aliqua operatio creata, & à Beato elicita?

PARTEM negativam tenuere olim plures antiqui Theologi, qui circa essentiam beatitudinis formalis varie opinati sunt. In primis enim quidam asseruerunt hominem beatificari per increatam visionem Dei sibi unitam. Quam opinionem quibusdam suo tempore placuisse, ait D. Bonaventura in 3. dist. 14. art. 1. siveque publicè defensam Parisiis, refert Gregorius in 3. dist. 7. qu. 2. Eam expresse tenet Hugo de S. Victore tomo 3. tract. de sapientia animæ Christi, ubi ait non aliter animas sapientes constitui, Deumque cognoscentes, nisi Dei cognitione & sapientia; & de Deo loquens, ita concludit: *Ipse est sapientia quæ cognoscimus; ipse amor quæ diligimus; ipse gaudium quæ exultamus.*

Secunda sententia docet quod beatitudo formalis consistit in illapsu quodam speciali Dei in essentiam animæ, ex quo manet substantialiter sanctificata & deificata, & quodammodo transformatur in ipsum Deum: sicut ferrum candens in ignem, & diaphanum in lucem. Hæc communiter tribui solet Henrico Gandavensi quodlib. 13. qu. 12.

Tertia, quæ est D. Bonaventura in 4. dist. 49. qu. 1. ad ultimum, afferit quod beatitudo formalis consistit simul in habitu & operatione, & principalius in habitu, quam in operatione.

Ultima, que tribuitur Nominalibus, docet quidem beatitudinem formalem in sola operatione consistere, sed vult intellectum beati ad illam merè passivè se habere, illam recipiendo à Deo, qui sit illius unica & adæquata causa. Cui sententiae favent quidam Recentiores, qui etiæ negent beatum de facto ad propriam beatitudinem comparari merè passivè, affirmant tamen non repugnare, quod per operationem à se non elicita constitutur beatus. Ita Valentia in praesenti disp. 1. qu. 3. punto 2. Vega lib. 6. in Trident. cap. 8. Egidius lib. 10. de beatitudine qu. 1. art. 4.

S. I.

Rejicitur prima sententia.

Dico primò, homines increatae Dei visione non beatificari.

Hanc conclusionem probat Vazquez ex Concilio Viennensi in Clementina ad nostrum de hereticis, ubi definitur lumen gloriae creatum necessarium esse ad viderendum Deum: si autem, inquit, visione increata videretur, non esset necessarium lumen creatum. Valentia vero eam probat: quia ex opposita sententia sequeretur Beatos comprehendere Deum: haberent enim in se increatae Dei visionem, quæ est comprehensiva illius.

Verum haec rationes non sunt efficaces: ad primam enim facile responderi potest, Beatos lumine gloriae indigere, non ad eliciendam visionem, sed ad disponendum intellectum ut eam recipiat. Ad secundam vero, negari potest sequela: quia increata Dei visio posset uniri intellectui creato, non adaequate, sed inadæquate: sicut de facto essentia divina, ut gerens vices speciei intelligibilis, inadæquate unitur intellectui Beatorum; quia non unitur ut representans omnia quæ ab intellectu divino cognoscuntur, sed tantum aliqua. His ergo rationibus prætermisso:

Probatur conclusio ratione fundamentali. Beatitudo formalis est operatio vitalis, quæ Beatus in actu secundo vivit, ut patet ex illo Ioan.

17. *Hec est vita aeterna, ut cognoscant te Deum verum;* Sed implicat Beatum vivere in actu secundo per visionem increatam Dei: Ergo implicat per illam constitui formaliter Beatum. Major patet, Minor probatur primò. Implicat naturam divinam, sub conceptu vitae radicalis, naturam creatam radicaliter vivente constitutare; alias posset lapidi uniti, illumque redire viventem radicaliter: Ergo implicat etiam quod sub conceptu vite actualis constitutus intellectus creatum viventem in actu secundo. Consequens patet, tum à paritate, tum etiam quia actus proprius vitalis alicujus naturæ communicari nequit, non communicata natura.

Secundò probatur eadem minor ratione à priori: Vita actualis debet convenire viventi ab intrinseco; vel per identitatem, qualiter continget in Deo, qui vivit in actu secundo per actum sibi omnino identificatum; vel per egressionem effectivam ab illo, qualiter contingit in vita actuali creata: At divina intellectus nequit intellectus creatus convenire ab intrinseco, ullo ex his modis; cum in utroque maxima imperficio importetur: Ergo omnino repugnat intellectus creatum per illam constitui viventem.

Addo quod intellectus est actio non solum vitalis, sed etiam immanens: unde licet esse intrinsecam altero ex istis modis non poterit ex preciso conceptu vitalis, id tamen ex conceptu immanentem exposceret; ut magis constabit ex infra dicendis, cum sententiam Nominalium refellemus.

Dices, increataem Dei intellectuionem, neque per identitatem, neque per informationem unitri intellectui creato, sed alio modo, ab utroque distincto, scilicet in esse intelligibili, absque eo quod illi per identitatem, aut per informationem uniatur.

Sed contra primò: Ideo non est necessaria

E iiij

in specie unio secundum esse physicum & naturale, quia se tenet ex parte objecti, & vices ejus supplet: Atque intellectio non se tenet ex parte objecti, sed ex parte potentie intellectiva, ut ultima ejus actualitas in linea intelligibili activa: Ergo requirit maiorem unionem quam in esse intelligibili, nempe per informationem, aut per identitatem.

Contra secundum: Quia essentia divina, ut gerens vices speciei intelligibilis, non unitur, nec uniri potest intellectui creato, per informationem, aut per identitatem, non potest illum viventem in actu primo constitueri: Ergo si divina intellectio nequeat per identitatem, aut per informationem, intellectui creato uniri, non poterit illum viventem in actu secundo constituere, nec per consequens beatum; cum beatitudine formalis, ut supra dicebamus, sit operatio vitalis, quae Beatus in actu secundo vivit.

Tertio: Ideo natura divina non potest uniri cum creaturis, illas constituendo in esse intellectuali radicaliter, quia non potest eis physicè uniri per informationem, aut per identitatem: Ergo pariter, si repugnet divinam intellectiōnem utroque hoc modo intellectui creato uniri, repugnabit etiam, quod illum viventem in actu secundo constitutam, quamvis daretur quod ei posset in esse intelligibili uniri.

S. II.

Solvuntur objectiones.

5. **O**BJICES primò: Augustinus 4. de Trinitate, cap. ultimo, duo dicit de visione, quae Sancti beatificantur in cœlo, nempe quod illa Deus est bonus & beatus, & quod ipsa sola est summum bonum: Sed hæc duo de visione creatæ verificari nequeunt: Ergo nostra beatitudo formalis est aliquid increatum.

6. Ad primum respondeo ex Cajetano 3. p. qu. 9. art. 1. §. ad autoritatem Augustini, quod non intendit Augustinus, eandem numero visionem esse beatum Deum & nos, sed eandem objectivè & modaliter, quatenus idem objectum, & idem modus est utriusque: utraque enim terminatur ad Deum, prout est in seipso: ipsumque clarè & intuitivè cognoscit.

Ad secundum respondeo cum codem Cajetano, beatitudinem ab Augustino vocari summum bonum, non simpliciter, sed inter bona creatæ: hoc autem modo non repugnat enti creato rationem summi boni obtinere. Vel etiam dici potest cum D. Thoma h̄c art. 1. ad 2. beatitudinem esse summum bonum, non formaliter, sed affectivè: quia est adeptio, vel fructus summi boni.

7. Objicies secundò: Essentia divina unitur mentibus Beatorum per modum speciei intelligibili, ut docimus in tractatu de visione beata: Ergo etiam illis unitur, vel saltē uniti potest per modum intellectiōnis. Consequens probatur primò, quia si essentia divina absque informatione, vel dependentia ab intellectu creato, exhibet minus speciei, cur etiam absque informatione & dependentia supplice non poterit rationem formalem intellectiōnis?

Secundò probatur: Non minùs est de ratione actus primi vitalis esse, intrinsecum viventi in actu primo, quam de ratione actionis vitalis esse intrinsecam viventi actualiter: Sed divina

A essentia, ut gerens vices speciei, constituit intellectum beati in actu primo proximè viventem vitalitate supernaturali: Ergo etiam poterit illum viventem in actu secundo constitueri, licet non sit ei intrinseca per informationem, vel per identitatem.

Probatur tertio: Ratio speciei, & ratio intellectiōnis actualis, non distinguntur in Deo virtualiter, cum ad eandem lineam pertineant, ut in tractatu de attributis ostensum est: Ergo re-
Dif. 2.
art. 1.

pugnat essentiam divinam uniri mentibus Beatorum, sub conceptu & formalitate speciei, nisi etiam illis uniatur per modum intellectiōnis actualis.

Respondeo concessio Antecedente, negando Consequentiam. Ad cuius primam probatio-
nem dico, hoc esse discrimen inter speciem &
intellectiōnem, quod species ex propria ratione formalis non petit inhærente vel informare, sed hoc ei convenit materialiter & per accidens in rebus creatis, quia accidens est: intellectio vero, cum sit actio vitalis, ex conceptu formalis intellectiōnis habet quod sit intrinseca naturæ quam reddit intelligentem, subindeque quod illam informet, vel ei identificetur.

Ad secundam probationem, concessa Majori nego Minorem: nam divina essentia, eti effecti-
vè ad intellectiōnem concurrat, non tamen concurrit ut virtus intellectus creati, illum elevans, aut dans illi vires (hoc enim totum provenit à lumine gloriæ) sed solum praestat concursum objectivum, ut virtus objecti, à quo & à potentia simul paritur intellectualis notitia: unde intellectus creatus Beati, non redditur per illam viventem in actu primo.

Ad tertiam, concessio Antecedenti, negando Consequentiam: ut enim aliqua Dei perfectio, dupli gaudens formalitate, sub una uniatur creature, & non sub alia, non requiritur quod illæ formalites virtualiter distinguantur, sed satis est quod distinguantur eminentialiter & æquivalenter, id est quod ratione sua eminentiae & æquivalent plurius perfectionibus in rebus creatis realiter distinguitur: nam ratio subsistentiae & relationis in personis divinis non distinguuntur virtualiter, & tamen personalitas Verbi Divini unitur naturæ humanae in ratione subsistentiae, absque eo quod illi uniatur in ratione relationis. Licet ergo ratio intellectiōnis, & ratio speciei, non distinguantur inter se virtualiter in natura divina, quia tamen distinguntur eminentialiter, & æquivalenter, utpote æquivalentes speciei, & intellectiōni creare, quæ realiter distinguntur, uniri potest essentia divina cum intellectu Beati, prout exercet munus speciei, absque eo quod ei uniatur prout gerit munus intellectiōnis.

Objicies tertio: De facto essentia divina unitur mentibus Beatorum in ratione verbi, & speciei expressæ: Ergo etiam unitur, vel eis uniti potest per modum intellectiōnis. Antecedens supponitur ex tractatu de visione Beata: Consequens vero probatur. De ratione verbi est quod sit vitale, ut colligitur ex D. Thoma qu. 4. de verit. art. 2. ubi assertur esse de conceptu verbi, quod sit expressum & productum ab intelligenti: Ergo si non obstante hac verbi vitalitate, uniri potest essentia divina per modum verbi intellectui Beatorum, poterit etiam uniri per modum intellectiōnis, non obstante quod illa sit actio vitalis.